



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XXX. Gregorii Papae I. Ad Ioannem Svbdiaconvm. De electione & consecratione Constantii.

urn:nbn:de:hbz:466:1-15221

EPISTOLA XXX.

GREGORII PAPÆ I.

AD IOANNEM SVBDIACONVM.

De electione & consecratione Constantii.

Gregorius Ioanni subdiacono.

QVANTO apostolica sedes, Deo auctore, cunctis præ-
lata constat ecclesiis, tanto inter multiplices curas
& illa nos valde sollicitat, ubi ad consecrandum antistitem
nostrum expectatur arbitrium. Defuncto igitur Lauren-
tio ecclesiæ Mediolanensis episcopo, sua nobis relatione
clerus innotuit, in electione se filii nostri Constantii dia-
coni sui vnanimiter consensisse. Sed quoniam eadem non
fuit subscripta relatio, ne quid quod ad cautelam pertinet
omittamus, huius idcirco præcepti auctoritate suffultum,
Genuam te profici sci necesse est. Et quia multi illic Me-
diolanensium coacti barbarica feritate consistunt, eorum
te voluntates oportet, eis conuocatis, in commune per-
scrutari. Et si nulla eos diuersitas ab electionis unitate dis-
terminat, si quidem in prædicto filio nostro Constantio
omnium voluntates atque consensum perdurare cognos-
cis, tunc eum a propriis episcopis, sicut antiquitatis mos
exigit, cum nostræ auctoritatis assensu, solatiante & auxi-
liante Domino, facias consecrari; quatenus huiusmodi
seruata consuetudine, & apostolica sedes proprium vigo-
rem retineat, & a se concessa aliis iura non minuat.

EPISTOLA XXXI.

GREGORII PAPÆ I.

AD ROMANVM PATRICIVM ET EXARCHVM ITALIÆ.

De obitu Laurentii, & consecratione Constantii.

Gregorius Romano patricio & exarcho Italiae.

OBITVM Laurentii ecclesiæ Mediolanensis episcopi
excellentiam vestram iam credimus cognouisse: &
quia quantum ex cleri relatione didicimus, in Constantio
filio nostro diacono eiusdem ecclesiæ omnium consistit
electio, necesse fuit pro seruanda consuetudine militem
ecclesiæ nostræ dirigere, qui eum, in quo omnium volun-

Grat. diff.
63. cap. 10.
Ioan. diac.
libro 4.
Anf. lib. 2.
cap. 26.
Polyc. lib. 1.
tit. 5.